



真山民詩集

十九冊





真山氏先生小引

嘗稱詩不在縉紳而在布

衣蓋初涉略有淺深臭

味之雅俗也此猶執詩而

論也真子之稱山氏不寧惟

是丁宋元之際不膺任進甘  
心石隱至節有足多者况待  
又真得布衣之風乎高襟  
遠韻具見是快自幽尋雅  
賞之外終不作江湖酬應  
語亦所著不廣是以少許  
人多許者所詔千羊之  
皮不如一狐之腋也李生為  
嘗稱不愧西山廼祖使能  
此語或不知山老為何人



新雅然昔賦子之志五人表  
牧而下豈可踪覈迄今為之  
則西山反為山也累矣多才  
情尚在林君後之上後者  
鑿之潘是仁後



真山民詩集目錄

第一卷

五言律詩

幽居雜興

新春

光霽閣晚望

興福寺

夏晚江行

修真院訪催道士

春遊和胡叔芳韻

山亭避暑

三山旅夜

枕上偶成

泊白沙渡

夜話無上人房



獨坐

春日

曉行山間

山間次季芳宿韻

春感

春曉園中

溪行

除夜約張梅境飲

渡江之越宿蕭山

宿寶勝寺

閑居

兵後寓舍春

樓居

蘭溪舟中

兵後劉秀寬見過

清明

臨江晚行

寄郊月逢

舟中峽口

次韻章劔溪山居

夏日

歲除寄王中齋

宋道士同遊

妙因寺次施敬所韻

晚春

冬雪

新涼

江樓秋夕

初夏訪劉道士

春行

孤標上人留宿

秋晚

李修伯山居

二首

道逢過軍投宿山寺

第二卷



七言律詩

述懷

春曉雨

西湖圖

隱懷

遊鳳棲寺

漁浦晚秋旅懷

泊舟嚴灘

題永嘉夢草堂

連城春夜留別

夜坐

春行

初冬

東粵廟

歲暮

閑居漫賦

三峯寺

江頭春日

次韻潘恕堂見寄

初夏

閑吟初冬

奉賀頗動遊興

夜飲趙園次徐君實

平章命

幽棲

讀劉元城言行錄

次李林居春曉遊園

聖果院訪忠上人

山行

秋夜次葉一山韻

杜鵑花得紅字

客中臨歸仍送

自滴

永嘉秋夕

醉題霽壁



客中遇鄉友

山人家

劉伯山寄隱

朱溪澗

丹山書堂

閑中

送雲泉入山

冬暮小齋

宿南峯寺

歲朝

春曉山行

王庶使

幽興

第三卷

五言絕句

梅仙山

螢火

蜜蜂

觀書自嘆

吉水夜泊

草

百舌

秋扇

訪李延不直

七夕

第四卷

七言絕句

楊妃

水墨海棠

三月晦日與邵石

年少遊春



山間早春

三月晦日

高帝

晚步

春閨詞

山間秋夜

新年

九日

醉餘再賦

真山民詩集

宋真

山民

著

明潘是仁

訥叔甫輯校

五言律詩

幽居雜興

松桂小菟裘山扉幽更幽蜂王衙早晚燕子社春  
秋鬢禿難遮老心寬不貯愁年來把鋤手無復揖  
公侯

新春



山民詩五卷 卷一  
餘凍雪初乾初晴日驟暄人心新歲月春意舊乾  
坤煙碧柳出色燒青草返魂東風無厚薄隨例到  
衡門

光霽閣晚望

一閣納萬象危闌俯渺茫白沙難認月黃葉易爲  
霜宿鳥投烟嶼歸樵趁野航孤吟誰是伴漁笛起  
滄浪

興福寺

爲厭市喧雜携詩來此吟鳥聲山路靜花影寺門

深樓閣粧嚴界池塘清淨心松風亦好事送客出  
前林

夏晚江行

行盡山頭路江空帶夕暉風蟬聲不定水鳥影同  
飛蕭散烏藤杖輕髮白苧衣試呼垂釣者分我半  
苔磯

修真院訪崔道士

竹扉蒼蘚墻林下小丹房風定香烟直月斜簾影  
長淪茶泉味別點易露痕香安得棲塵外求師却



老方

春遊和胡叔芳韻

春光潑眼明占勝得新亭棠醉風扶起柳眠鶯喚  
醒非無盃泛綠安得髮皆青且事日爲樂歌聲莫  
暫停

山亭避暑

怕礙清風入丁寧莫下簾地皆宜避暑人自要趨  
炎竹色水千頃松聲風四簷此中有幽致多取未  
傷廉

三山旅夜

獨坐本無况淒涼更旅中檻低簷碍月牕破紙吟  
風隣館笛三弄譙樓鼓二通半觴聊自適新荔擘  
輕紅

枕上偶成

長夜更難曉天寒吟思清夢魂山館枕燈影雪牕  
檠守拙疎生理安貧識世情淒風響簷竹豈是不  
平聲

泊白沙渡



日暮片帆落渡頭生暝烟與鷗分渚泊邀月共船  
眠燈影漁舟外湍聲客枕邊離懷正無奈况復聽  
啼鵲

夜話無上人房

蒲團一榻上坐到夜將分牕月燈昏見巖前雨歇  
聞茶甌勝飲酒禪語當論文只恐紅塵跡浣師松  
下雲

獨坐

寒齋淡無味孤坐思悠悠時事三緘口年光一轉

頭有書遮老眼無藥療閑愁假使丹心在衰遲也  
合休

春日

韶光今幾許我欲問流鶯花影掃不去草根鋤又  
生心空諸妄息身老萬緣輕正是春風好幽蘭不  
肯爭

曉行山間

出門誰是伴只約瘦藤行一二里山徑兩三聲曉  
鶯亂峰相出沒初日乍陰晴僧舍在何許隔林鐘



磬清

山間次季芳宿韵

好山多在眼塵事少關心風竹有聲盡石泉無操  
琴許猿分野果留鶴守雲林不是閑邊客誰來此  
地吟

春感

春光元自好我却爲春愁但見柳青眼不知人白  
頭一身浮似寄百歲去如流賴有芳樽在花前日  
醉遊

春曉園中

綠陰留我立清曉小闌東林外一鳩雨柳邊雙燕  
風吟懷愁渺渺春事去匆匆莫恨芳菲盡葵榴花  
又紅

溪行

春煖溪西路行吟又幾迴水清明白鷺花落失青  
苔雲過日吞吐樹搖風往來漁歌聽未了欲去又  
徘徊

除夜約張梅境飲



今日又除夕君能爲我來燭光紅照席酒浪綠搥  
杯臘帶吟愁去春隨笑臉回相看俱健在莫管歲  
華催

渡江之越宿蕭山縣

昨夜大江舟今宵小驛樓隻身千里客孤枕一燈  
秋市酒難成醉鄉書莫寄愁胸中無史記浪作會  
稽遊

宿寶勝寺

苦吟吟未了只向兩廊行月去塔無影風來鐸有

聲禪心隨水淨佛眼共燈明安得雲邊住與僧分  
此情

閑居

虛明兩竹牕濟楚一書房風動鳥移樹花香蝶過  
墻身安知病少晝靜覺春長未必全無事終焉也  
勝忙

兵後寓舍春

觸景多懷舊凭欄易愴神飛花遊蕩子古木老成  
人世換山如醉田荒草自新鄉關渺何處回首暗



風塵

樓居

携書來過此便覺不塵埃  
簷冷留雲宿牕明報月  
來閑愁山隔斷幽夢鳥呼回  
湖海元龍氣從渠俗  
子猜

蘭溪舟中

一舸下中流西風兩岸秋  
櫓聲搖客夢帆影掛離  
愁落日魚蝦市長烟蘆荻洲  
篙人夜相語明發又  
嚴州

兵後劉秀寬見過

冉冉歲云暮閑居安所之  
途窮身是累痛定語猶  
悲衰髮數莖雪空囊一卷書  
儒衣例如此惜也不  
逢時

清明

清明今日是原上一經過  
新塋塚無數未來人更  
多此生曾悟否不樂復如何  
莫待澆墳土樽前且  
醉歌

臨江晚行



山民詩五卷  
卷一  
茅舍亂鷄聲疎林淡見星霜輕留草綠霧暗失山  
青蹤跡去來燕交遊聚散萍浮生原是客不必恨  
飄零

寄郊月蓬

煙波秋草外活計一漁蓬淡月明寒葦新霜醉曉  
楓身雖殊出處道豈有窮通俯仰看人面何如數  
過鴻

舟中峽口

亂山如碧玉處處見鶻花水漲傍分港舟行倒走

沙宿依沽酒市飯過釣魚家喜脫風波險推蓬數  
暝鴉

次韵章劔溪山居

想無書赴隴林鶴莫驚猜曳杖雲同出開簾山自  
來池堪供洗硯籬不碍觀梅靜倚長松立藤花點  
翠苔

夏日

虎牕暑亦涼境靜晝偏長樹色烟明滅蟬聲風柳  
揚家貧書是業身老睡爲鄉赤日黃埃客紛紛爲



底忙

歲除寄王中齋

徂歲已匆匆何人似此翁  
事雖隨世異道不與冬窮  
身老心猶壯髯班臉自紅  
椒花一盃酒明日又春風

宋道士同遊白雲關

扶携方外友來入白雲關  
八九峯如畫兩三人倚欄  
棋聲敲竹外簾影落花間  
一曲瑤琴罷翠陰生晝寒

妙因寺次施敬所韵

松蘿一徑陰踏破白雲深  
約客分茶供逢僧倚竹吟  
鼠留香篆迹禽和閣鈴音  
話久不知晚新螢照出林

晚春

有恨青春老無螢白晝長  
葉新林換綠花落地生香  
兩意一番足人家百事忙  
爲儒竟成悞悔不早農桑

冬雪



雪凍飛禽少林深落葉多寒塘倒山影空谷蒼樵  
歌不有梅花在其如詩思何霜風吹落帽應嘆髮  
絲皤

新涼

煙火林幽處田園秋暮時深村人到少閨月稱黃  
遲旋決渠分水新編竹補籬地爐煨芋栗莫遣貴  
人知

江樓秋夕

樓高古城遠無奈漏聲催幽夢風吹斷新吟用送

來江長漁唱遠雲冷鴈聲哀明日重陽酒黃花開  
未開

初夏訪劉道士

白雲隨杖屨伴我到山房暑薄疑天別林深見路  
長木芝皆道味花竹亦詩香更待荷花後來分半  
榻涼

春行

東風物物新花外步清晨蕉葉卷舒雨鳩聲問蒼  
春園林三月景詩酒百年身試數交遊侶如今有



幾人

孤標上人留宿

山僧留我宿我亦似山僧香茗半甌雪寒壘一簞  
冰廊風響黃葉壁雨暗青燈叅透詩三昧何須契  
一乘

秋晚

暮色入江郊霜風兩鬢毛笛聲吹月落詩興挾秋  
高謝絕南柯蟻留連左手螯孤燈竹牕底危坐一  
歌騷

李修伯山居

俗子自不到幽扉何必扃苔衣和月臥山雨雜泉  
聽有髮徒班白無名入汗青未應閑此事尚可掃  
玄經

又

寒燈幾檠盡借問夜何其舊夢青燈在新愁白髮  
知昔爲三遠鵲今作五藏龜多謝梅梢月留人得  
睡遲

道逢過軍投宿山寺



窮途欲焉往薄暮此相投  
蟋蟀數聲雨芭蕉一寺  
秋鄉關來枕畔時事上  
肩頭長嘆爲僧好今逢  
更說愁

真山民詩集

宋真

山民

著

明潘是仁

訥叔甫輯校

七言律詩

述懷

不敢尤人敢怨天  
愁來覓酒醉來眠  
五窮有鬼偏相害  
九轉無丹別自全  
遊食懼違新下令  
力耕苦乏舊存田  
靈臺坐受憂兵觸  
荏苒霜華剥髮玄

春曉雨



破曉簷花未放乾披衣和夢倚闌干釀成苔暈地  
猶濕老盡鶯聲風正寒無客醉敲金鞮響有人睡  
怯翠衾單牡丹一夜成消瘦下却朱簾不忍看

西湖圖

兩袖春風一丈池等閑踏破柳橋西雲開遠嶂碧  
千疊雨過落花紅半溪青旆有情邀我醉黃鶯無  
恨爲誰啼東城正在桃林外多少遊人逐馬蹄

隱懷

樣不趨時合便休都將往事付東流眼看浮世自

今古迹與孤雲同去留泉石定非騎馬路功名不  
上釣魚舟有時但得句無問只與漁歌互唱酌

遊鳳棲寺

十載重遊古鳳棲連宮新遶綠楊堤欲談世事佛  
無語不管客愁禽自啼苔滑空廊妨散步塵昏老  
壁失留題僧家田地鄰家種菜甲春風綠滿畦

漁浦晚秋旅懷

西風吹夢越中遊剪剪輕寒入短裘鴈字不將鄉  
信寫蛩聲空和旅吟愁郵亭冷雨孤燈夜漁市斜



山房詩集卷二  
賜一笛秋是處山川卽吾土仲宣何用怯登樓

泊舟嚴灘

天色微茫入暝鍾嚴陵湍上繫孤蓬水禽與我共  
明月蘆葉同誰吟晚風隔浦人家漁火外滿江愁  
思笛聲中雲開休望飛鴻影身卽天涯一斷鴻

題永嘉夢草堂

留得斯堂萬古名江山不敢閉英靈池光曾染吟  
邊墨草色猶如夢裡青南浦詩香流未歇東家魂  
冷喚難醒當時園柳俱塵迹惟有鳴禽尚可聽

連城春夜留別張建溪

飛絮遊絲客子心連城那忍遽分襟青燈應見詩  
情苦濁酒不如交味深一榻暖風棲竹屋半闌淡  
月立花陰離懷今夜先收拾盡付明朝馬上吟

夜坐

匹馬平生汗漫遊如今寂寞老林秋小牕半夜青  
燈雨幽樹一庭黃葉秋懶看世情寧睡去怕傷時  
事莫吟休寒蛩可是知人意未到莎根只說愁

春行



短帽輕衫步履遲  
微暄天氣乍晴時  
池融嫩碧銷殘凍  
春剪新紅綴舊枝  
嵐翠滴衣堪入畫  
禽聲到耳足供詩  
東風苦欲招人醉  
頻掉橋西賣酒旗

初冬

林葉新經數夜霜  
地爐獨擁一山房  
塵書邀我共高閣  
濁酒勸人歸醉鄉  
費省家貧還似富  
身閑日短亦如長  
梅花苦欲催吟興  
又破梢頭半點香

東粵廟

頽欄斜照網蛛絲  
陳迹凄凉萬古悲  
柘水尚鳴亡

國怨山松曾見受  
封時碑因苔蝕無  
完字城爲田  
侵失舊基當日東  
甌知幾戰如今羸  
得一荒祠

歲暮

顏不常朱髮易班  
流光難駐兩桃丸  
一年又是等閑過  
百歲只消如此看  
把酒何會長在手  
種桃能得幾凭欄  
痴人醉夢不知醒  
日夜雙眉秣死攢

閑居漫賦

紛紛裘馬走紅塵  
賴得閑邊可着身  
商嶺定無屠狗客  
雲臺豈有釣魚人  
溪山蕭散青鞋履  
風月夷



山民詩七律 卷二  
猶烏角巾萬事如棋君看取一番局面一番新

三峯寺

寂寞烟林噪亂鴉青鞋步入野僧家雲深不碍鐘  
聲出日轉還移塔影斜廊下蝸粘沿砌蘚佛前蜂  
戀插瓶花竹床紙帳清如水一枕松風聽煮茶

江頭春日

風煖旗亭煮酒香醉醒始悟是他鄉駕言行邁路  
千里豈不懷歸天一方春事漸消鶯語老離愁偏  
勝柳絲長無聊莫向城南宿淡月梨花正斷腸

次韻潘恕堂見寄

抱瓮區區老漢陰空齋擁鼻日長吟青山隔截市  
朝面白髮消磨豪傑心書旣無成休學劔貴無可  
買耻言金情知不入鴛鴦侶賴有鷗盟尚可尋

初夏

一葉薰風帶暑回雨天濃翠與庭槐不隨春去鶯  
猶在好競時粧榴又開剪尺旋裁新白苧盃盤聊  
薦舊青梅篋中敝扇投閑久依舊團團入手來

閑吟初冬



山民詩集卷二  
一架琴書一筆床  
杜門荏苒送年光  
囊空儘可償  
詩債脚倦猶能入  
醉鄉既有菊花偏耐久  
未開梅  
藥已先香眼邊管領閑  
風景不識人間更有忙

奉賀頗動遊興呈雲耕叔祖

節遇中和景漸暄  
自摩倦眼望前村  
雕鏤花柳春無迹  
沐浴山川雨有恩  
憶昔踏青終日醉  
如今垂白幾人存  
未應便作衰翁看  
藉草猶堪倒一樽

夜飲趙園次徐君賓韻

銀臺絳蠟淚成堆  
四面軒牕盡放開  
花影忽生知

月到竹稍微響覺  
風來豪揮彩筆詩千首  
醉倚紅粧酒百盃  
遊玩未闌歸未得  
高城漏箭幾相催

平章命

萬甲蟠胸老氣雄  
將星光照海雲東  
聲名宣尉裴中立  
地步平章韓魏公  
大纛高牙山水縣  
褒衣博帶藻芹宮  
書生端爲斯文喜  
俎豆先行軍旅中

幽棲

鶴護松扉久不開  
蒲團端坐思悠哉  
故交只向夢中見  
閑事不經心上來  
雙屐躡雲春採藥  
一簪掛



月夜觀梅東風似見山童懶自與幽人掃徑苔

讀劉元城言行錄

一掃權奸九十章七州不憚歷炎荒黃梁富貴百年短青史是非千載長丞相雖存心已死先生既葬骨猶香向令鉄漢常留在天下何緣有靖康

次李林居春曉遊園

滅沒晨曦弄淡晴追隨杖屨竹間亭花逢瀟侶容先醉柳見詩人眼剩青三月光陰半流水百年身世一浮萍啼鶻只管催春去不道衰翁已懶聽

聖果院訪忠上人不值

管領東風入杖藜落梅香裡已招提苔痕一徑白雲濕花影半牕紅日低欲見高僧聊爾耳便乘餘興去來今葛藤有話無人共付與隔林幽鳥啼

山行

林梢初日弄陰晴露浥溪花笑欲迎澗暗只聞泉滴瀝山青剩見鷺分明遠峰忽轉還如遶險逕徐行亦似平莫謂詩成無與和風篁也解作吟聲

秋夜次葉一山韻



自笑秋來似轉蓬偶然飛落過山中一燈幽館菊  
花雨孤枕小樓梧葉風涉世悠悠旋磨蟻懷人杳  
杳寄書鴻浮生何預光陰事抵死相催作老翁

杜鵑花得紅字

愁鎖巴雲往事空只將遺恨寄芳叢歸心千古終  
難白啼血萬山都是紅枝帶翠煙深夜月魂飛錦  
水舊東風至今染出懷鄉恨長掛行人望眼中

客中臨歸仍送游教諭

建括相望天一涯快哉此地話襟期芹邊春暖幾

盃酒門外月高千首詩去去先生此升矣栖栖遊  
子暮何之送行折了郵亭柳歸臥白雲歌紫芝

自滴

年來心迹兩悠悠若比孤雲儘自由既不貪榮安  
有辱縱饒無樂亦何憂一絲風月嚴陵釣千里關  
山季子裘到底行藏定誰是試將心事問沙鷗

永嘉秋夕

風戰枯桐敲紙牕擁裘無寐夜偏長樵樓三鼓夜  
將午雲鴈數聲天正霜寓世此身驚逆旅寬懷何



處不吾鄉江頭風景日堪醉酒美蟹肥橙橘香

醉題霽壁

此事閑中安樂窩從渠忙處爲奔波人心少似秋  
胡婦世事多叅春夢漶但把功名齊蟻垤定無榮  
辱到漁簑醉鄉境界偏寬濶天地都歸一浩歌

客中遇鄉友季芳遠歸省親由泗水

河梁邂逅話襟期獵獵西風透袂衣酒臉未隨紅  
葉醉鄉心先逐白雲飛客中送客難爲別山土安  
山胡不歸借使家書君可寄此間無復問庭幃

山人家

片雲隔斷嶂西風三兩山花屋角紅幾畝桑麻春  
社後數家鷄犬夕陽中拾薪澗底青裙婦倚杖簷  
間白髮翁我亦願來同隱者種桃早晚趁東風

劉伯山寄隱

寄隱幽踪何處尋春風十里薜蘿深青山不說是  
非事黃鳥自賡長短吟百折畏途休着脚十分明  
月是知心不應誤放桃花出惹得漁翁話古今

朱溪澗



路轉峰回又一村天寒大半掩柴門雲融山春嵐  
生翠水嚼沙洲樹出根任擁重裘風亦冷未投荒  
店月先昏今宵只傍梅花宿贏得清氣入夢魂

丹山書堂

作室懸知要肯堂而翁家學頗增光一朝衿佩儒  
簪合千古詩書屋壁香鑑曲煙霞歸羽館鍾山風  
月落僧房如何只揭精廬扁解續斯文氣燄長

閑中

敢咎章縫解誤人甘於閑處着閑身腹中書在温

仍熟夢裏詩成記不真引鶴徐行三逕曉約梅同  
醉一壺春今朝有喜誰知得新換街頭號散民

送雲泉入山

薜蘿叢裏鬱青青別是幽棲一段清水色山光皆  
盡本蟬聲禽語亦吟情人今不改衣冠古道重方  
知富貴輕爲語俗交休見問已從麋鹿訂新盟

冬暮小齋

布襪青鞋敝絮袍松扉柴几小衡茅雲酣纔釀臍  
三月梅吐又橫春一梢炭爲驟寒偏索價酒因不



飲懶論交窮年兀兀從人笑未用多方作解嘲

宿南峯寺

禪房花木鎖深幽借與詩人信宿留幡影分來半  
廊月磬聲敲破一林秋僧偏好事能青眼佛本無  
心亦白頭試問青松峯外鶴閑邊曾見幾人遊

歲朝

畫角聲中舊歲除新年喜氣滿屠酥陽和忽轉冰  
霜後元氣更如天地初晚色催詩歸草夢春光隨  
筆上挑符閉門賀客相過少靜對梅花自看書

春曉山行

風掃連陰作快晴瘦筇伴我出山肩路從初日紅  
邊過人在野花香裏行古水殊無趨世態幽禽懶  
作弄春聲棕鞋踏遍山南北只與白雲相送迎

王庶使

鼻祖名高三諫官耳孫玉立又臺端氣增浙左霜  
威動面帶終南山色寒攬轡肯教狼臥地歸班便  
合豸峩冠公餘詩興清於雪細嚼梅花入肺肝

幽興



不賦千鍾賦一簞天公有意養痴頑書猶能看未  
曾老詩亦莫吟方是閑寬着庭除貪貯月少栽竹  
樹要觀山空堦兩日無行迹又上苔花幾點班

真山民詩集

宋真

山民

著

明潘是仁

訥叔甫輯校

五言絕句

梅仙山

梅福鍊丹地

西都不知壽安用獨長年縱有丹爐在難吹漢火  
燃

螢火

微踪一腐草霜重不禁秋想悟浮生短常爲秉燭



遊

蜜蜂

釀成百花脾聊爾了口腹人知口中甘誰料腹中  
毒

觀書自嘆

皓首抱遺經堪憐悞一生空共蠹虫飽自作忍饑  
聲

吉水夜泊

入夜始維舟黃蘆古渡頭眠鷗知讓客飛過蓼花

洲

草

草枯根不死春到又敷榮獨有愁根在非春亦自  
生

百舌

花間報曉晴巧弄百般聲未可媿饒舌猶勝鴈不  
鳴

秋扇

人心有炎涼我心無歡悲篋中重自珍會有薰風



時公亦炎京丹心無悔悲國中重自念會亦薰風  
訪李延不值

白雲滿空山山空人未歸在杖莫敲門恐驚白雲  
飛

七夕

世上痴兒女爭趨乞巧筵婦鳩甘抱拙不諳鵲橋

仙

真山民詩集

宋真

山民

著

明潘是仁

訥叔甫輯校

七言絕句

楊妃

三郎掩面馬嵬坡生死恩深可奈何瘞土驛傍何  
足恨潼關戰處骨埋多

水墨海棠

不將翠袖捲紗紅惟得陳玄奪化工想是太真春



睡足夢魂正在黑甜中

三月晦日與邵石諸友閑遊東園分得空字  
韶光收拾太匆匆眼底浮花一掃空留得數枝紅  
藥在五更分付與東風

年少遊春

錦袍朱帶玉花驄著意追歡紫陌東只道春風屬  
楊柳不知楊柳有秋風

山間早春

小桃枝上認年華隨分紅開一兩花將謂春風只

城市也吹春色到山家

三月晦日

九十風光能有幾東風遽作遠行人樽前莫惜今  
朝醉明日鶯聲不是春

高帝

未央前殿養親時想記當年組上危借問杯羹何  
等語如今安用玉卮爲

晚步

未暝先啼草際蛩石橋暗度晚花風歸鴉不帶殘



陽老留得林梢一抹紅

春閨詞

愁鎖眉尖未肯消何心更待兩娥嬌一春螺黛渾  
無用付與東風染柳條

山間秋夜

夜色秋光共一闌飽收風露入脾肝虛簷立盡梧  
桐影絡緯數聲山月寒

新年

粧點春光到眼邊凍消殘雪暖生烟杏桃催換新

秋色惟有寒梅老一年

九日

懶把黃花插滿頭正綠老大見花羞年來破恨儒  
冠悞好倩西風吹去休

醉餘再賦

堪嘆詩翁酒興豪醉餘猶復一登高西風抵苑相  
搖撼爭奈儒冠裹得牢







